



Comune di Verzegnis

Provincia di Udine

10^a EDIZION CONCORS INTERNAZIONÂL DI POESIA PREMI "GJSO FIOR"

REGOLAMENT

Il concurs, a tema libar, al è par autôrs che a scrivin par furlan. I premis a laran al prin, al secont e al tierç classificât, daûr dai impuarts sporcs puartâts chi sot:

1ⁿ Classificât: 350 euros*

2^t Classificât: 250 euros

3^c Classificât: 150 euros

*Cun di plui al 1ⁿ classificât a i spietarà una opera fata, doprant la tecnica da pitura e/o da scultura, di un artist incaricât a puesta par chest. Chesta opera a rapresenterà l'argoment tratât ta poesia premiada.

Se dal câs, a vegnaran fatas encja segnalazions di merit.

In linia cui principis che a àn ispirât la leç regionâl n. 29 dal 18 di Dicembre 2007 sul ûs da lenga furlana tal program didatic das scuelas, una sezion dal concurs a è pai fruts das scuelas primarias dal Friûl Vignesie Julia. I premis a laran al prin, al secont e al tierç lavôr classificât, daûr dal spielut metût chi sot:

1ⁿ Classificât: bon valôr di 200 euros

2^t Classificât: bon valôr di 150 euros

3^c Classificât: bon valôr di 100 euros

Il bon valôr al vegnarà dât fûr a pro di un gjenitôr dal/dai frut/fruts vincidôr/vincidôrs.

Al concurs a si pos partecipâ cuntun massim di trei poesias che a no vetin pui di cent e vincj rias dutas e trei insiema. Las poesias a àn di essi no publicadas, segnadas cuntun det o cuntun non pustiç metût suntuna busta piçula sierada cun denti non, cognon e direzion di cjasa dal autôr. Chesta busta - insiema cui lavôrs in vot copias batudas a machina o scritas dropant il PC - a à di lâ denti intun pac là che par di fûr si à di tornâ a meti il det o il non pustiç. Tal câs dai fruts da scuola, dongja di non e cognon, a vorà di essi specificada encja la classa che a frecuentin.

Ai fruts da sezion scuola primaria che a cjaparan part al concurs cu las lôr poesias a è riservada encja la iniziativa par in banda clamada "Pitura la poesia". A si pos cjapâ part a chesta iniziativa cuntun massim di trei lavôrs che a si ispirin a las poesias dal poeta Gjso Fior. Chescj lavôrs a àn di essi fats su cjarta o su cartoncin dropant una tecnica cualsiasi (matita, pastel, acquarel, tempera, collage e v. i.) e a àn di essi fats rivâ o spedîts inta stessa maniera das poesias, daûr di cemût che al ven det achì sot.

La Juria dal concurs a premiarà la opera che plui a si lu merita metintla como sogjet dal invît/brochure e dal manifest da edizion dal premi che a ven dopo di chê in cors.

La busta a vorà di essi mandada via a la Segreteria dal Concors di Poesia "Premi Gjso Fior", Comun di Verzegnas, via Udin 2, 33020 Verzegnas (Ud), **denti dal 25 di Ottobre 2014**

La Juria a podarà encja decidi di no dâ il 1ⁿ premi se, daûr dal so judizi, i lavôrs presentâts a no vessin di jessi suficients sul plan cualitatîf/artistic. A no si podarà discuti il judizi da Juria.

Tignint ben presint che las poesias a no àn di essi stadas publicadas prin, che a no àn di jessi mai stada premiadadas o segnaladas in nissun altri concurs, l'autôr al autoriza il Comun di Verzegnas a publicâ (encja on-line), se dal câs, a gratis las poesias.

La partecipazion al concurs a compuarta la plena acetazion e il rispiet di dutas las disposizions di chest regolament.

L'esit dal concurs a si lu savarà ta cerimonia uficiâl da premiazion che a vegnarà fata tal Dicembre dal 2014, tal Municipi di Verzegnas. Ducj i participants a son bielzà di cumò invidâts a la premiazion.

Informativa daûr dal art. 13 dal D. Lgs. 30-06-2003 n. 196 “Codiç in materia di protezion das informazions personâls”.

Dutas las informazion che a vegnin dadas par cjapâ part al concurs di poesia premi “Gjso Fior”, domandadas su la fonda das disposizions legjislativas in vigôr, a scuegnin essi dadas se a si vûl cjapâ part a chest concurs e a vignaran dropadas, encja in maniera informatica, domo par chesta finalitât.

Al è obligatori dâ chestas informazions; se i participants a no dan nissuna o domo una part das informazions domandadas, allora a no podaran cjapâ part al concurs. Il titolâr dal tratament di chestas informazions al è il Comun di Vergeegnas, destinatari di chesta letera, responsabil a è la dot. Vanessa Giorgis dal Ufici Comun pai Servizis Gjenerâi da la Associazion Intercomunâl Concja Tumiecina.

Las informazions a vignaran dropadas dai impiegâts assegnâts al servizi incaricâts dal responsabil e a podaran essi dâts fûr tal câs che las poesias a vegnin publicadas.

In fuarça dal articul 7 dal D.Lgs. n. 196/2003, cui che al fâs chesta dichiarazion al pos fâ valei i siei dirits como chei dal aggiornament, da modifica, da cancelazion das informazions, e v.i.

Chest regolament achì a si pos jodilu tas direzions internet

www.comune.verzegnis.ud.it - www.concatolmezzina.it - www.filologicafriulana.it - www.friulinelmondo.com